



117
351
1

讀韓非子上

序

莊子在宥篇人大喜邪毗于陽大怒邪毗于陰

王應麟玉海卷五十三韓子隨志唐志二十卷

目一今本五十六篇注不詳名氏

初見秦

趙用賢評此篇與國策所載大略相同今按第三卷秦策載之發端作張儀說秦王曰鮑彪以所說皆儀死後事而刪去張儀二字為西周謂

齊王之比吳注。詆其失考。謂非以韓王安稱藩使秦始皇十三年也。次年見殺。

言而不當亦當死。吳師道曰。即上云不智也。卿按當看古文變化處。

唯大王裁其罪。鮑曰。裁制也。卿按言冀察其言當否。以裁其有罪無罪。

臣聞天下陰燕陽魏連荆固齊收韓而成。從十七字一句。按蘇秦傳。趙為從長。故此不言趙。而北燕南魏專據趙立言。此及國策注不論及也。

韓最近秦而最親秦。迺從家所擯。故曰收。且韓非回護之詞耳。連荆鮑彪謂為始皇避其父諱。是。

有

世有三七而天下得之。謂天下得三七之道。蓋言秦必霸天下而六國必亡也。注非。

有功無功相事也。謂不論已有功未有功皆從爭戰鬪。蓋言賞罰明之效也。國策你不攻耳無

相攻事也。鮑注言秦有不攻耳無敢與相攻者。姚注曾南豐本如韓非文。

懷衽鮑彪曰衽衣衿也

頓足吳注曰頓踴也

斷死鮑注以死自斷吳注斷死生之斷都玩反

皆是也國策作比以是也卿按兩者義同猶言

皆然論語滔者天下皆是是字亦訓然論語微子篇

名師鮑曰名言有勇決之稱卿按良將所練其

軍有名如岳家軍類故曰名師師軍旅也

長城巨防鮑曰蘓秦傳注濟北盧有防門又有

長城東至海後志防門即鉅防

注

也

齊五戰之國也注謂五破國也國策鮑注上所

謂南破東破之類吳注謂四面及中受兵卿按

吳注非齊地偏東不可言四面受兵也

削跡無遺根根鄰存一叶

東服於陳國策服作伏是即伏匿意與上中伏

韓魏別彼迺降伏羲

置宗廟令宗廟乃號令所出故云

此固以失霸王之道一矣國策以作已作是下同

華下鮑注即華陽之所

茂

以詔破之國策詔作詐吳注以詔為是歸按此
言此出於王獨斷以見謀臣不盡忠

前者穰侯之治秦也注云、按國策此注移在
下兩國之功下為是而一作以史記穰侯傳昭
王三十六年相國穰侯言客卿竈欲伐齊取剛
壽以廣其陶邑於是魏人范雎自謂張祿先生
譏穰侯之伐齊乃越三晉以攻齊也以此時奸
說秦昭王昭王於是用范雎

笕山東河間國策笕作完鮑注完之者欲急取

失

脩武上黨諸郡置之去也卿按國策范雎曰臣

居山東章淖齒管齊之權鮑注管猶管權之管

專之也鮑氏何之目睫間

天下徧隨而服矣據注則徧元作編而國策作

編吳注韓作天下徧隨而服矣勝此韓以本異

而編最奇古覺師道憤憤

東以弱齊燕國策作以東弱齊燕補注韓作東

以弱齊強燕是韓本異

地曾不可得國策曾作尊鮑注地與相王之尊

拾子史校李作徧下朱補入編隨
國策以下至憤憤皆朱採則

按

按

吳注韓尊作曾劉辰翁謂地猶第皆失考卿按皆非

棄甲負弩戰竦而却國策作棄甲兵怒戰慄而却吳引韓作棄甲負弩戰竦而澤天下卿按澤天下誤矣棄甲負弩言棄甲及其所負弩古文辭法

李下國策作李下是鮑注後志河內有李城趙封李同之父於此補曰韓作孚下所見本異戰々栗々日慎一日苟其其道天下可見栗日

一叶道有一叶

淇溪國策溪作谷

紂為天子國策鮑注元作下補曰韓非子

素甲國策注絹素為之非金革也正曰素以色

言

破架之國國策架非紂而注不言韓迺知架字

誤

趙襄王國策注礼大夫稱主

以為王謀不忠者也策作以主不忠於國若彪

非恐作誤

注主言以為首惡補曰韓以為為王謀不思者
據此脫一為字

存韓

入則為蒞薦蒞薦在下猶云臣妾不必以貢供
解則與下韓入貢職語意重複但謂出入唯秦
之從耳

怨懸二句難解言韓之事秦如其謹而秦隨
之以銳師取其地則韓之怨秦明白較著猶懸
示諸天下然而韓三十年所為之功皆歸於強

秦而不自為也是韓之怨所以益愈明白也懸
於天下有起天下憤意歸於強秦有起天下懼
意

從徒謂籟秦之徒為從說者

明秦不弱則諸侯必滅宗廟明字管到廟字
非一日之計也者籟秦以來趙為從長

天下明趙氏之計矣言天下益明合從之利也
夫韓小國也而以應天下四擊言韓雖小國處
天下之中故常應四方來擊者而習守禦之計

也。此句與下未可一年而滅也。
權輕於天下。天下摧我兵矣。權者秦權也。我亦
秦也。資趙假齊資助也。假藉也。言韓魏叛秦則
與趙齊合。是助力於趙。藉勢於齊也。
陷銳言能陷敵銳兵之卒也。負任即輸餉者。旅
亦卒也。罷疲同。攻功同。合群苦弱以敵言。糾合
群困若虺弱者。以敵於萬乘之國者二也。
所以七趙之心者。秦之本心欲離從孤趙而後
圖之也。

均字疑注未穩。

兵質質的也。言天下之鋒聚于秦也。注非
雖以金石相弊。言陛下之壽。雖使與金石同盡
也。注非矣。陛下字可見秦未稱皇帝時已用之
矣。後乃沿用其舊禮耳。兼天下之日未也。言一
統之業猶在久遠而不親身享之也。
使人使荆。下使字去聲。重幣用事之臣。言行重
幣以啖楚用事之臣也。與魏質質質子與上聲
轉展轉也。

衡傍也

意我之心意疑慮也我謂秦

見二疏見去聲示也疏謂計疎也示計疎拙者

二也

使從者間焉言使合從之士得其隙以伺之也

不可悔也悔之不及也

李斯上書

詔字管到下臣斯十七字一句上上聲下去聲

虛處則核然言虛曠無事以處則但覺稍有妨

碍已注非也腹心之病蓋謂疝積類也

以極走則發矣極劇同有勞劇奔走之事則發

也卒報猶云告急變也

荆蕪人姓名是時使奔說教其與趙絕矣而未

反命故曰未知何如

悉趙而應二方乘言悉出趙卒以應於秦則有

二萬乘也

崦塞之患蓋指孟明敗績之事

為重於韓也為去聲

聽其盜心者縱其盜賊之心也

未名所伐者不聲言其伐何國也下未名所之

同

使來入見使韓王入朝也其身指韓王也與韓

人為市言與韓人約以地易王如市易然深刻

者多割其地也

象武秦臣姓名

李斯上書韓王

夫韓以秦為不義而與秦兄弟共苦天下已又

背秦言初韓以秦為不義後遂與秦為兄弟今

又背秦此即下所謂展轉展轉反覆也

上地膏腴也

秦使人將使者於韓將送也言魏欲攻韓以告

秦秦送其使於韓蓋謂秦待韓意殷也

難言

言順比滑澤洋洋纒纒然言字讀蒙下十二柱

順比者比序須下也滑澤者俗語所謂溜也注

皆非鞭硬同激急親近者激急不婉也親近者

迫切也。深知人情者，深指情事也。以具數言者，以錢穀為言也。近世者，近俗也。貪生者，惜身命也。詭躁人，間躁字未得其解。質性者，朴實也。道法之道，即道中庸之道。

愛臣

主命，号令也。易主命者，使号令出已也。主妾者，妻妾也。妻謂之主者，猶主婦之主也。徙其民者，使歸已也。終於外也。富終歸外也。

皆以類也。類者，匹也。疑也。匹於君，疑於君，謂之類也。

盡之以法，質之以備。盡云者，使臣下盡其慮。盡其材也。質者，正也。以預防之術，正其過也。注不偏威，注作徧威。徧是。

奇兵，謂奇邪之兵。廼兵器之非常用者。士民不得載之，戰國時傳遽不得不載也。

主道

韓非出老子，故所謂道者，虛靜也。萬物生於虛。

故曰萬物之始。虛靜則明。故曰是非之紀。紀紀
細。猶云主虛靜以待令。令政令也。待令云者。非
有意於出令也。待其不可不發而後發之也。
善敗成敗也。
令名自命也。令事自定也。言所令之名。非我命
之。自彼命之。故曰自命。所令之事。非我定之。自
彼定之。故曰自定。名與事。猶云事理也。或發令
是之。或發令非之。是命名也。是之則賞之。非之
則罰之。賞之罰之。而後是非定。故曰定。

敗

實之情。應萬物之始。實者物也。動者正。應是非
善。動則有是有非。是非不惑。謂之正。
形名參同。言參考形名。皆歸于一也。歸之。其情
即物情也。歸之物情。則君不與焉。
無見其所欲。無見其意。二見字皆去聲。猶示也。
雕琢謂偽飾也。素謂本真。即雕琢之反。
去舊謂去仁也。舊者謂故舊也。去故舊之愛也。
使萬物知其處。言上用智則下亦用智。下用智
則不可知其處。知者不得匿也。

不以賢者不自賢也。上不自賢則下無所環琢
表異而其材可見。材者用人之所因。故曰臣下
之所因。古不曰君者器也。器者用之所因也。故曰君之器也。
因能者用其材能也。習襲也。既習之矣。
寂乎其無位而處。濇乎莫得其所。言莫有方所
不可測識也。濇寥同。濇寥不可測識也。濇寥不可測識也。
不窮於名。名是非也。名者是非之
以闇見疵。言示闇也。闇者疵故云。五實之
知其言以往。勿變勿更。以參合閱焉。其言者名

也。知其以言以往。謂循名也。以參合閱焉者。責實
也。唯循名責實四字。敷衍成十三字。勿變勿更
言固守是術也。即下文保吾所往也。曰參合曰
稽。同曰同合。意同。

官有一人。官各有一人也。

下不能意。意臆度也。

其柄。謂賞罰之權也。

擅其主。言其威震主也。其所者尊也。

處其主之側。為姦句。臣字連下。謂他臣也。

收其餘謂不黨者也收之而為君之私人也
臣擅行主則主失明擅行當作閉其行而誤
善增事增皆言其成也增高也成功崑然高
暖乎暖諂同

畏于畏威同神聖不能解解者解怒也

偷賞苟賞也

近愛親戚故舊也

有度

上曰開地下曰啓地古文率多此

以薊為國言盡古薊之地以為國中國中者國
門之內也

襲涿方城襲重也蓋以為重郭

攻畫陶魏之地魏恐誤

國法下脫字

權衡之稱稱等子也不可欺以天下之輕重輕
重從權衡之稱生謂天下之勢也

以進其與交衆與多兩與字皆黨與

危死危且歿也安利安且利也

能人即權臣也君以為能故謂之能人
屬數禮數也注非

使法擇人使法量功卿曰法至是而神矣

明辯辯如辯章之辯

脩頭脩足脩猶循也

不得不救必注以手入身非矣入字恐衍

無百里之蹙蹙恐當作戚蓋無百里之親戚即

不越鄉而交意同

險世即險陂之世也簡斥也

世治之民即治世之民倒語見奇

為之人主多一之字古文自別

不得闡其佞

朝廷群下直湊單微

增按湊單湊三世家西湊月氏正音錄

君行危行特也

目意語奇

高科

舉措而已矣即舉而措諸

非二柄

非失刑德非字疑

覺寢寢覺也

明下闕文

注十術當作才術

妬外而好色妬男色好女色也首子頭生子也

欲見者好惡見也群臣之情態得其資者群臣

以君好惡為取利之資則千情萬態從此起也

上言豎刁易牙下言田常蓋謂刁牙之禍所極

也

揚權

天有大命人有大命起得奇古大命猶云正命
謂其循道不害也天有大命人有大命者言天
有大命人以是為大命也

四海既藏道陰見陽言聖人執要四方來效是
四海雖廣來藏於我矣陰刑也陽德也導民以
刑使其循法而行故云道陰懸賞示之使民趨
于法度中故曰見陽注非

左右既立左右亦謂刑德也開門而當言不拒

其來也當猶受也二亦刑德也門狸猫也

事乃不方如方命之方注不明并惠好生生出也并惠之人必欲善自我出是好生也下文形名參同用其所生迺不自我出之也注非

國故不治故猶云是以也下文下故素正同名正物定名倚物徙皆二字句正定叶倚徙叶不見其采采文采也注皆非

正與處之疑矣或當作而無反形之理反復也終則有始謂其用不窮也必同其端強同万端使其徙已也信而勿同如信步之信

德者覈理而普至至於群生二句一連形生叶斟酌用之言斟酌道德用之於民也道德弘大萬物分殊故須斟酌

與時生死當作死生參參名於異事通一於同情添兩於字義迺明矣

和不同於燥濕和樂器主調聲律它樂器皆以燥濕變和見唐志匏第七有巢有和是故明君貴獨句道之容句

凡聽之道上文虛以靜後未嘗用已故此以聽為其道以其所出反以為之人者言君人之道唯務入已而不從我出之注非

參之以以物伍之以合虛只是參伍以以物合虛虛者道也弄文如是方見竒邃動之溶之二之字別一法無為而改之者其所

為不可改易也注非

喜之則多事直名言共龍叶義為叶

規矩既設注說乃設誤

下考其常常故常也神則無常可測者有常下

因其故常常以察測注非

累解猶懸解也累結也注以類解非

周合密合也

法刑狗信難解蓋言法刑能使狗信也

欲為其地地國殊矣言制其采邑也

備將代之備危恐殆備皆預防也危恐殆猶儀

式刑

虧靡叶韻

嘖嘖

披注披為落其枝也為廼謂字誤

風叶心唵毋使水清注雖族疑

八姦

愛孺子謂男色寵幸者好色好上聲

辭言處約古甚

固壅其言談言言談壅而不前為人主之固然

小國必彊彊字恐誤

制斂者箝制聚斂也數內俱入聲大使大國之

使也禁財者官財常時有禁無命不得擅發者

財親者昵於貨

簡其業簡略也

十過

離內者出宮也

為人笑者為人所笑也

如車之有輔輔者義自見

虞貌之勢正是也正是字古亦有

壁則猶是也猶是者依舊也

靈公起公曰下公字非衍則誤

鼓究之言終其曲

郎門之坵

瘡病

內自彊者自恃其強所以怒彼也

陽規而陰疏

五官之藏

奇人即餘子注非

倉不容粟府無積錢庫不受甲兵皆謂出令之

明日倉府庫悉盈也府無積錢尤難解言府無

復積錢之所也

菌幹菌當作筭

令舍者縣令之舍也柱質者以鍊銅為柱它物

畏之故曰柱質

舒軍言舒張軍翼也

君失比計者疑

鹿中者中心鹿暴

三君之反君當作軍

他時之節節禮節也嚮其利嚮享同視屬臣猶

目屬之屬

財之財裁同

縵帛者無文之帛

蔣席額緣

觴酌皆器

終歲不遷者不逐水草之利故牛馬半死

上捍上尚同

自獷

堅中者中心堅固廉外者外有廉隅二句交互

看廉外而堅中足以為表準堅中而廉外足以

大任

公守之室室名

與豎刁與興之以政也

害交謂禍構也

所以廟祠而求謂禱求也
信臣使臣也

以秦韓曰秦字誤

見李秦以奉

自戴戴二心也

離群臣謂死也

宗廟不拔除拔當作袂言不齋戒也

見李作袂

懸叔贍謂縛之也

孤憤

題注法術之士疎而當塗日親謂其本自如此

也終於不勝也前言二者相為勝負故也

重人謂當塗用事之人臣威權重者

聽用謂其以明察勁直待君之用也聽猶待也

敵國為之訟訟頌也

郎主者郎中與人主也

近愛信三字奇

以歲數而又不得見八字句言得見之日少也

公法而誅之所謂中以漢法也

以外權重之言借外諸侯之權也註非

郎主見李作郎

知不類越而不知不類其國言人主皆能知其國與越不相類而不知其國今已非其舊國也遇卑見卑也

程行者評論其行事也

公患者通患也注非

臣主之利與相異者也與相與也

主更稱蕃臣而相室剖符言主稱臣於他國而臣迺受封也注非

主變勢只是主失勢也注非

比周注泥只是阿黨

說難

題注太史公出史記韓非傳揚子雲出法言司馬光

非吾知之有以說之之難也言知未足以說之則雖欲說之不可也是知似難矣然亦非韓子所謂難也注非

又非吾辯之能明吾意之難也言雖智未有辯則不得能明吾意也是辯似難矣然亦非韓子

注

所謂難也注非

又非吾敢橫失而能盡之難也史記集解按韓子橫失作橫佚言弘放其說無顧忌按莊子自失而走荀子其馬將失皆失佚同用不知可笑此句言雖辯不勇則不能盡言是勇似難矣而亦非韓子所謂難也

見下節而遇卑賤見遇皆見以為之意拊字史記作棄是孫鑛曰凡說之難句出荀子

所說陰為厚利陰字史記作實說之以厚利說

字上史記有若字此不可不察也此字下史記

有之字察作知如此者身危此字作是下二處

同

彼顯有所出事句史記作彼顯有所出事迺自以為也故說者與知焉則身危移在下貴人得計而欲自以為功下以此推彼也字當他字迺字畫殘缺為爾不爾故字說不去規異事而當知者者言所規之事雖異而有可揣而得者也此一段史記無之

周澤一段史記在貴人有過端之下德忘作德
亡索隱亡無也韓子作則見忘此與今文異御
按亡忘古字通用德古作真豈以文缺誤邪索
隱解極知曰輒吐誠極知以此注為勝
貴人有過端一段史記禮義作善議挑作推如
此者身危作則身危按挑即挑發齒之挑
貴人下缺字者三史記作~~與~~貴人得計而欲自
以為功說者與知焉則身危按得計者謂一計
於他人也

彊以其所不能為一段史記作彊之以其所必
不為止之以其所不能已者身危
故與之論大人史記故字下有曰字間已下無
矣

賣重史記作鬻權

藉資藉史記作借

嘗已也史記無也字

徑省其說史記說作辭無以為字

米鹽史記作汎鹽亦無以為字交作久久為勝

略事史記作順事

所說之所矜矜史記作敬耻作醜

彼有私急下至微見其合於私患也史記無
彼有私急也必以公義示而彊之此一段注與
下文連合非矣彊之云者彊壯之也注作勉強
解非

其意有下也然而不能已言其意頗自以為卑
下而不能已是故不能舍己以從他則說者因
為主飾其美而勉為之反以其不為為少也注

非

其心有高一段其過其惡皆就君所不能事上
暴其過惡即以不行其事為多也注非
多為之地言為資說於我之地也注作譽其能
非

欲內相存之言內入聲注如字讀非微見言隱
隱乎言外使其思而自得之也下同
譽異人一段史記作規異事與同計譽異人與
同行者則以飾之無傷也有與同失者則明飾

其無失也。移在自多其力下。與同夫。彼自多其力。史記無彼也。字移在自勇其斷下。自勇其斷。史記謫作敵。勝移在自知其計下。自知其計。史記移在滅其所醜下。自字上有彼字。其敗作失。

大意至之。辭也。史記作大忠無所拂。辭悟言無所擊排。迺後申其辯。知焉。此所以親近不疑。知盡之難也。移在明飾其無失也下。伊尹為宰。至能仕之所耻也。史記移在此說之。

成也下。

夫曠日段。夫史記作得。離作彌。引作交。則作迺。割作計。持作待。

伊尹為宰。宰史作庖。皆所以作皆所由。此二人者。作故此二子者。然猶不能無役身以進。作猶不能無役身而涉世。今以吾言至振世。此史記無之。此作則耻。作設。卿按以吾言為宰虜言辱身。猶可。况於損詘言語乎。昔者鄭武公一段。史記在後。天雨一段。在前。語。

各有詳略此二人說者皆當矣史作此二說者其知皆當矣厚者上有然而字非知上無則字此知則難也也作矣故統朝以下無之昔者彌子瑕一段又互有詳略夫龍之為蟲也一段柔可狎而騎也言柔之則可狎而騎也史記作可擾狎而騎也若人有嬰之者史記無若者字說者史作說之者和氏

玉人之玉韻書皆音龔正字通非之兩足斬而寶乃論句法未必和璧之急也而禁群臣士民之私邪言禁私未必如索玉之急也邪音耶注非浮崩崩岷同謂游民獨周乎道言道言者道術之言也周親也封君戰國之士封臣皆以君為號馬服君類告坐之過以過為罪故云燔詩書觀此言則不始於李斯也

大體猶大率也
黑白之情情實也
必不幾矣幾期同
非道之位至幾不亦難哉稍難解蓋得位不與
群臣同道故曰非道之位溺拾當世之言又謂
被譖也當嚴天子謂犯人主之心也
春申君謂楚莊王之弟別是一人非黃歇也
視君視示也

適夫人適如字
死夫人所所非處字義
讓諛
為法國者為法於國也
可以永絕江河之難永水誤
名乘後世乘垂誤
實無益於智伯若秋毫之末作二句非
厲癩也

此謂劫殺死亡之主言也。謂猶為也。殺弑通。下同。
癰腫擁腫也。疔瘍。

七徵

門子

商賈與鄰國通貨其在彼者累萬故曰外積
罷露疲羸通靡糜通事車服器玩好句
柔茹茹柔也
不周於法周詳密也文麗文章麗辭

所迫之國謂所密通者

羈旅僑士重帑在外明從它國來說者
下不能其上

稱衡謂嫡子相抗也

太心亦見荀子韓子外傳

荀子不苟篇
韓子少雅角弓

出君者謂君出亡在外也質太子謂太子為質
於外

逆其使疑專習疑兩重者謂大臣爭權
孽禍急狹也

徑為無所謂

馬府之世榮者謂將帥世官也

公婿公孫與民同門謂同里閭

必其治亂其強弱相踦者也十一字句踦奇也

謂不兩立也

三守

能人

愛人不獨利也謂人主雖愛而不能獨利其所

愛之人也下不獨害同

矯外以勝內謂矯言外難以唱制國內也

險言危言也

主言惡者者首發其罪惡者也

備內

李兌傳趙王優施傳嚴姬非傳保之傳唯當訓

附也嚴驪同

適為太子者謂嫡子之為太子者也適嫡同

好抱叶惡釋叶然則其為之反也謂就語之意

說其反也

好色未解解懈同

桃左春秋未詳

疾死以疾死也

日月暈四句謂內外愛憎之相反

不參之事謂未嘗參驗之事

法獨明於胸中謂獨明於人主之心而不行於

下也

上古之傳言句

無道得小臣之信也道由也

必索資以事誣主索資求助也

主誘而不察誘見誘也

藏是言藏者中心藏之也

二勢者指上人主群臣二句此勢之所必至故

云譽臣臣之有譽者

必問其取舍以為之資資助也

其為不得利言所為不得有利也必以害反言

必以害應之也

郭偃狐偃也

憚易民之安易變易也

明能知治嚴必行之明嚴二字法家所尚

說在商君之內外而鉄爰重盾而豫戒也言其

說見於商君之行故曰說在也鉄爰重盾以豫

備於民商君在內如此在外亦如此也商君傳

張良曰君之出也後車十數徒車載甲多力而

駟脅者為駟秉持矛而操闔戟者菊車而趨此

一物不具君固不出謂此也

黃虎

輶者震驚也

鄒賈

鄭人不能歸

飾邪

飾高言飾其崇高之勢也

龐援

豐隆雷神其以方位言者未詳五行當與王相
連着太乙即帝座史記天官書中宮天極星其

一明者太乙常居也索隱曰按春秋合纖圖云紫微大帝座太一之精也提提天官書大角者天王帝廷其兩翁各有三星鼎足句之曰提提提提者直斗杓所指以建時節六神豈青龍朱雀白虎玄武勾陳騰蛇邪五括未詳殷搶天官書歲星其失次舍以下進而東北三月生天培長四丈未兌退而西南三月生天搶長數丈兩頭兌豈是邪五括亦疑天培也天缺未詳缺缺同有缺殘不祥意弧逆天官書

惑

正義弧矢向狼動移多盜既有鄉倍則當有逆順故云邪
刑星太白也災惑天官書故曰雖有明天子必視災所在奎天官書奎曰封豕命名固凶台或三台邪然非凶星疑
王古當是往古
大明之龜當是龜名
民望怨望也
當魏之方明立辟從憲令行之時句

法慢下缺文

當趙之方明國律從大軍之時句

及國律慢用者弱言國法見慢而用法者衰弱也

當燕之方明奉法審管斷之時句

先令有功而舜殺之言吏不待令而治水有功舜以其不待命而殺之也

則古者必下缺

美惡下缺

故先王以下缺

凡智能下缺

故智能下缺

道不可傳下缺

道之故故事也謂法術

則背法下缺

過法謂以用法為過也

民無功而下缺

解老

德者內也得者外也下曰其神不淫於外也此蓋以德取義於得故且分德得於內外而言德而不見其得也

德無舍舍宅也承上神不淫於外言

無功生於德此德字不好底德則無德上德字亦然

無術者言不知道術者也故故常也

生心之所不能已也生心生於心也

知交知識交接之人也

禮者所以貌情也下五字缺

故疾下缺

實心愛而不如如當作知

禮者外下缺

故神之為上禮突出一神字難其解

復恭敬復反覆也

失道而後失禮上四失字同老子下四失字異

老子銀黃奇矣蓋謂金銀也

事通人之樸心者也言以鑿混沌之竅為務也

無緣而忘意度也當去而字看

以詹何之術嬰衆人之心華焉殆矣言以前識之術櫻亂人心則人紛然用其智所以危殆也華焉猶紛然也

徑絕者謂無路也徑云者就無路處而求路徑也卜祝與陶猗並言豈別有所指與將卜祝多富歟

道濶遠若是也濶遠廣大也衆人之所不至剖判以至今二十二朝句

必生死之命也必者固守也謂守死也輕恬資財也恬者不動心也窮墮方之反罷貪廣之反邪私直之反賤貧光之反

聽習尚知謂聽於慣習之人而問於知識之士也下以能代習可見

強以其禍敗適之則怨適謫同行軌節而舉之也言以德行之名軌順節度而

一一舉之也所謂四不者軌節也得失之地地境也古語云尔

避晝日之險謂白日避險也

書之所謂書即老子書也

蚤服蚤字以雖未見字解

其會遠會謂會極也

曼根曼長也謂橫根也亦有蔓義書之所謂抵

也書又謂老子書抵皆當從木蓋根曼而抵直

人處疾則貴下缺當是醫字

痊疽瘰癧

鬼崇也疾人之謂鬼傷人九字句也字衍

而民不以馬遠淫通物淫字疑

畜生始見

將馬豈將車之馬邪

事經經常也謂事之常紀也

上不屬天而下不著地以腸胃為根本言既不

屬地則不得不自為存活之計也

充虛虛飢也

昏靡有兔句死罪時活句言可幸而免也

故欲利甚於憂憂則疾生十字句憂憂憂其憂

也

理者成物之文也妙

不可以相薄薄侵也

維斗得之以成其威斗之所向必敗故曰威

軒轅得之以擅四方謂朝萬國也

赤松得之以與天地統謂與天地相終始也

以処見其形當作以処其見形

麋靡靡細也

唯夫與天地之剖判也且生^至天地之消散也不

歿不衰者謂常二十五字句

是以不可通也下缺文三

四肢與九竅十有三者句

民之生生上生生出也下生字生活也

万害有原源源同

明其從事亦不疑言其從事也明白無疑

故議於大庭而後言句則互權議之士知之矣

句言王公發號令必與大臣共議亦不為天下

先意權議之權權衡之權也知主之也

必且有天生言自天生存之也。生心者生於心也。故天下之道盡之生也者。天地以生物為心也。
也。
貌施。
徑大。
君以利劍刺之。君若誤。
術而效之。言以智術效倣之也。
俗之民言流俗也。有獨立之民。故曰俗之民以別之。

積精言保精積之身也。
治家無用之物。家下脫而字。
各以此科適觀息耗科適者。

要人喻老。

題註此事當作此事。
邦以存為常。身以生為常。言邦與身皆以存生為其常理。故可為霸王。可保富貴也。
不以其邦為收。言不以邦法故收其邑也。
生傳其邦。言未薨之時已遜其邦也。

君人者勢重於人臣之間言君威独行於其臣故不可為臣所奪也

君見賞臣則損之以為德言為德於君也益之以為威言為威於下也

必固張之必固彊之兩固字皆故通故姑通見要大功於天下要邀同言邀而取之也

丈人將易深易移也

桓侯故使人問之故姑通

火齊劑也謂湯液也

司命之所屬屬連綴也司命連綴之言其不可解也

其安易持未及其危謂安

旄象豹胎

勾踐入宮於吳宮當作官楚王當作吳王文王當作武王

周塗豈適周之塗歟周有先王典書故也

知者無常事言不可為典要也

不以言談教言不以言為教也復之言復古也
載一人之身載事也羨餘也惡荒
其實謂中有主也

顛

將何為忘哉言不忘怨也無常行言不泥也並
智並視並

無令發無政為言不發令不為政也御坐御侍
也隱隱語也翅鼓翅也此為何名言名之為何
也釋舍也愛其資言不惡小人也

說林上

湯以伐桀以已同

令甘茂擇所欲為於僕與行事行事者行人也
僕者大僕也言令就二官而擇其所欲也猶使
之於公也言以公為使也

請問客言問客何如也客指孔子也
上索我者上始見

雖遠越者雖更遠於越也
智氏質質質的也自七獨七也

許救之甚歡謂與使者歡也不爾與上大說重
又見魏文侯借道於趙條

以子為我上客千乘之君也以子為我使者萬
乘之卿也言子為上客則吾僅千乘之君也子
為使者則吾尚萬乘之卿也子為舍人則吾廼
萬乘之君也

逆旅之君謂所至逆旅地之諸侯也

簡公殺殺弑通

明人之欺王也言暴王之見欺也

映

嚴遂不善周君患之君字之字皆句嚴遂韓傀
皆韓臣君韓君

自問疑

子為之是也言子之言固是也

箕子怖

商蓋

懼以失日言恐以長夜飲而忘日數也蓋紂猶
知之今季孫乃始血其母

衄死血也。灰者死血色變似炭也。炭亦謂之灰。
古語。

三面皆暘。暘，暢也。謂無壅蔽也。斧離，數創離。
逆旅之父。父，老人。謂主人也。
尊百里。

說林下

舉蹠馬。舉，謂其能就馬群指命之也。蹠，
所有飲不足者不可不索其羽也。飲不足者不
足以飲也。言不能以飲也。躅。

下言知其言以徃勿變勿更言非君上之所
用也。

為其不可復者也。不字恐衍。

不過紂之誅也。過當作遇。

語必可與太宰三坐乎。言說以太宰之所說也。

貴主主大夫也。

執鞭持杆操弓闢機。

亡其富之涯乎。亡句。

負其百金負債也。或曰負倍也。事有舉之而有

敗句

賢其母舉之者句負之時也句

檄鹿

丈人曰可吾方廬陳南門之外

密密

臧其皮冠言為許由韞藏之也

聚噉其母而食之母豈羸邪

宮有堊器有滌

是其貫將滿也其惡貫盈意其以我滿貫也言

殺我以滿其貫也

導子西之釣名言導之使其釣名也不復疑其

其落子貢計中不復回意也寬哉言不寬也繫

哉言不被於利不得謂之潔也不免句曲於欲

言逆人情也

此番夫可見此官始于春秋時矣公之故人呼

它人為公迺春秋之末諛語比大夫於諸侯者

其源蓋本於楚縣尹曰公歟

無魏謂不得力能制魏也而以怨有魏者也謂

為力能制魏者所怨也
宋令尹按宋無令尹官而下謂令荆賀君之孝也則恐楚令尹奔而仕宋者
與子人事一人人猶各也拘管仲而效之效致也秦醫秦越人也除除疾也彈豈謂針砭歟虜北夷產裘沮衛蹇融
乃鑄大鐘於仇由之君謂鑄大鐘遺之也內入聲大以來言大國以此來請也卒必隨之士兵卒也斷轂為路隘也

大甲傷謂壯魁之士能衣大甲者也從越謂就越軍與戰也露山
荆陳陳謂成陣也

以構於日

認鼎呂氏春秋作岑鼎

來效賊

三言與三百一言殊異蕩而失水蕩流蕩也謂其失所也雖隆薛城至於天隆高也

壺丘

溺人謂溺人於水也。一飲謂其人飲水一口也。

觀行

信教謂術教之必然者。可勢謂勢之可者。賢聖之測淺深矣。恐有缺悞。

安危

斷削於繩之內謂

斷割於法之外謂

先王寄治理於竹帛八字一句。竹帛謂法令之書。

儀表權衡皆謂法令也。

上以無厭責已盡則下對無有。十二字句言下財已盡而上之欲猶無厭。誅求無已則下何以應上哉。對應也。

以福拂耳言以拂耳之諫為福也。

自刻克己之克也是幸。幸猶冀也。是幸至其力二十字句言人主之所冀望在上。雖不仁下皆忠信也。下皆忠信則上不失下不亡矣。其所冀望者如此而不知上下之力自有不同也。

無功御不樂生句

故齊故萬乘也上段謂田成故此舉齊國為况

二故字義殊失之近而不亡於遠者無有十一字句無有猶云未之有也

忠法謂盡於法也忠心謂盡於心也

守道

力極謂勤勞情盡謂情實如春如秋謂無私也出死者出死力也怨願之誤

見侵見害謂為明主所侵害也言責有無所用其力盜跖無所用其盜也

則危於伯夷不妄取八字句言下皆伯夷亦危也伯夷則不妄取故云伯夷不妄取立法度量者立法於度量也不失是者不失榮名也不得非者不得為非也不失分者不失其所也寄千金於羿之矢言置千金於羿彀中也圖不載宰予不舉六卿書不著子胥不明夫差言非圖書所說則君不知賢者也甘服猶垂拱也無瞋目

切齒傾取之患。齒下藏於字，唇下亦爾。豫備也。明於尊位必法，言能知法之尊位也。

用人

人臣皆宜其能，如宜其室家之宜，與勝輕字面同。

莫負兼官之責於君，兼官則責多而力不給也。負荷也，任也。伏怨蓄怨也。矯服如矯制之矯服，車服之服。

穀角通

心治以心為治也。差長短差次也。半中折衷也。表異見異易誤，因攢而縫者，婦女縫衣必攢摺其所縫處，以表識之也。

堯不得也，言雖堯不能也。不輕爵祿三句一連。貴下藏則字屬廉耻句，下藏以字書圖著其名。句不察私門之內，此一句不屬上下。輕慮以下言重事而輕慮之薄罪而厚誅之，細過而久怨之偷快而長侮之也。

禍誤

易身之患言易主也自主言之故不主而身
正難為難為之法也罪不及不矜不能也

民見憎為民所憎也魯見說為魯所悅也離死
命者不問死生也隙穴如宮室有隙穴言內朽

也不藏則字風風相向不藏以字書圖著其文

儀的的也的為射者表儀故謂的為儀如井儀

亦尔禍亦禍誤極有刑法言殛人以法已則無

心也復生復立言雖曰堯舜再生可也

不塞隙穴隙穴者宮室所以傾覆也楛壘外飾

也

慕賁育之死言尊勇士也忠國中國之誤

功名

毋窮無窮也

三家三戶也謂極小村也技若軍事若馬技謂

臣之才事謂其所職也位不載於世者不為世

所推奉也

大體

望天地觀江海因山谷望觀亦因字意成理現

於之理也。法如朝露，即純樸不散意。蓋朝露之
在草上，圓而未散也。及午則散也。雄駿不創壽
於旗幢，言豪傑之士不死於戰陣也。創傷也。旗
幢，軍所植也。離法，罹法也。
上不天心，不地只是互文耳。謂君上之心當如
天地也。必載必畢，通不澤小助澤。擇通歷心於
山海，如因山谷也。

策內儲說上

衆端猶如執兩端之端。注非一聽者，一一聽之
也。而一一責之也。下注非疑詔者，以疑事詔令之
也。

使

聽有門戶，謂君所聽信唯一人，如家所出入唯
一門也。齊人見河伯者，使見河伯也。故有敵注
兩擁字，皆壅同。
與子產之教游吉也。注吉字當在令字上。將行
去樂池，言辭樂池而去也。重輕罪，謂使輕罪重
也。弱齊國，言以齊國為當弱也。注若當作弱也。
亡魏王，亦言以魏王為必亡也。斷死人，斷斬也。

賞譽重而賞輕而譽也厚賞之至是以效之二
十三字句是以效之者拾蚕握鱧也

一聽則愚智不分不字衍舊注皆以一聽為不
好底殊不知此在七術則不得為過也下注所
謂一聽之過此非計也皆一聽之患也者俱謬
矣但所列畢除濫竿外皆泛不切未得其解
數見久待而不任句姦則鹿散句即下麗敬事
戴謹詔視輜車詔令也

卜皮事庶子事字疑矣注受字當作愛字陰懼

疑

臣之夢踐矣言夢有驗也

莫衆而迷言莫衆之與則迷也今群臣無不一
辭同軌乎季孫者十三字句舉魯國謂國門中
也莫三人而迷亦言莫三人之與而迷也一言
於季氏之私言一其言於季氏之私也其言皆
私季氏也

夫齊荆之事也誠利句凡謀者疑也句疑也者
誠疑句疑也者三字承上句而言為疑故謀者

而誠能疑之也劫主者固亡其半者也固字謂其為固然之理也

去左右不內人去上声內入声

如耳薄疑皆臣姓名夫不使賤議貴下偏上句勢重謂威權也嗣君之壅乃殆乃如是也

矢來有鄉一鄉鄉皆向同此以盡敵之無彘也敵備也之指臣

菊鄉左右言其旁鄉邑在其左右者也

使人行之所易宜去之字看是向字而無離所

惡離

罹同毅忍也不關所惡關由也

將行官名蓋護行路者少容謂客中少年也從少正長從賤治貴兩從字皆自也由也嘗試使

臣使者使令之也

予汝天下予之天下予皆上声

自將衆趣救火者趣促同徒行賞言罰也

太仁薛公則大臣無重指它大臣則與下文兵弱於外相應注非矣太仁謂優禮太不忍謂宥

罪

聲聞謂外人所稱也功且安至且將也安何也言慈惠之成功能至何地邪

無以為蔽謂帶幕之類軍中以遮敵望者也非名之則利之也言非以此為名則以此為利也當喪者喪主也

王曰王指嗣君疑君字之誤治無小而亂無大言治法不以小忽之則無大亂也

唯薦草而就注三字誤

人之救火者死謂救火而死者也塗其体者以泥塗体也被濡衣者以衣濡水而被之也皆所以防火燒也左三千人右三千人左右蓋其軍制

仕之國大夫謂爵以大夫也國大夫謂大夫在國中為朝官者也亭亭障也

崇門巷名上指宋君

怒鼃謂蛙鬪者也式軾同復吳者報吳也

吾聞明主之愛一頓一笑十字句頓有為頓而

笑有

為笑為皆去聲

鄭王韓王也韓滅鄭而以為都也

趙令人因申子於韓請兵十字句而後言之注許不當作不許得趙之功注不可解

講和也為我悔也句寧已三城句而無悔危句乃悔句寡人斷講矣句言為我有後悔故云尔則寧已三城亦可也然而無悔於危凶者是為可悔也寡人斷。乎講和也

弛上黨句在一而已句言當捨上黨也上黨之所捨僅一郡耳後者後至者也上黨之安樂蓋謂上黨所貢足以娛王心也劇謂政務煩多似為要地也

遣市者行酌而召公大夫而還之句言市散時悉放市人使去而特喚大夫在市者使還也互有間句無以詔之句卒遣行句言飛敬與大夫同互少時而一無所告語之其卒悉皆放還也注不測也由也上也字當作其字市者以為令

與公大夫有言不相信十四字句言市人皆謂
虺敬與大夫相語而大夫雖以實告之亦不信
也何敬與大夫相語而大夫雖以實告之亦不信也
夜使人曰使人者命人也使人報曰者所命之
人來報曰也何夜使人曰使人者命人也使人報曰者所命之人來報曰也

王簪玉簪之誤

僅可以行耳言車衆塞路也無敢告人吾所問
於女九字句人下藏以字悚懼其所也其者不
敢為不可為之事也何僅可以行耳言車衆塞路也無敢告人吾所問於女九字句人下藏以字悚懼其所也其者不敢為不可為之事也

握瓜一瓜其瓜瓜皆當作瓜何握瓜一瓜其瓜瓜皆當作瓜

使騎於縣言命騎士往縣巡視也使者謂所命
之人也兩使字皆非行人之義不得句

佯愛之佯愛其愛妾也注非何佯愛之佯愛其愛妾也注非

何白馬謂誰家白馬也何何白馬謂誰家白馬也

因事關市恐因外儲說文誤當考何因事關市恐因外儲說文誤當考

內儲說下何內儲說下

權借在下在下者臣也言以權借臣也利異外
借者言君臣所利各異而臣必借外自重也參

疑者謂臣下勢相耦者也
左右鬻懷別鬻賣也賣權也別
一言一其言也

翟黃黃傳作璜或通大成牛傳作大臣牛恐經
為是

門人門者也夷射即左傳邾子事犀首走傳則
云被誅也

其尸主之言合禮士卦無凶也
淫察而就靡言察淫靡而成就之也

詞公即嗣公悞

古之人難正言以其言君臣之間也

小資謂所資者小也

敵主謂與主相抗也外市謂外交得利也偏誅
謂誅其一半也懷怨而借之間也言使其懷怨
而借之以間隙也

故浴狗矢故無故也士者男未有室者也見詩
經惑易謂病惑而視听變易也內中閨中也室
婦謂其奴之妻也公子指假夫也五姓之失五

家之屎也。之傳曰公子許與大公子許以共五
益是者若多於此數也。使君曰公子許與大公子許
重則必為所重之國黨也。言黨其所宦之國也。
遂奪其國。下缺。而字。之傳曰公子許與大公子許
而孟孫氏下缺。當是叔字。昂校本補之果然
無季孫必無季孫。下季當作叔。之傳曰公子許與大公子許
因內齊軍於鄭內入聲。
因請為魏王構之。構講同和也。之傳曰公子許與大公子許
今天反夫差反報也。何不釋吳而患越乎。患越

者遺越患也。越與吳同命。不用語也。吳國用乃
傳三注有闕文。即下注謂補二十八條者。
郎門。即節。謂廊門也。跪。即則者名。
為近王為如字。不已知也。言非我所知也。
近者。謂近習之臣也。為酒。置酒也。君殆去之。殆
語辭。之傳曰公子許與大公子許
微殺張壽。微密也。下同。
間君之國。間謀也。之傳曰公子許與大公子許
覆廬。

倉廩

毋有反令言使莫有請也風靡如風靡草也翳
憎臣后毒者后也
欲置公子職置立也乃為其傅潘崇曰為謂悞
呼者嗚呼也彼夫賤辭
走君而抱之言趨君所而抱持之
好內好嬖內女色外男色
遊於紂之旁遊遊說也
願荆王之賢人願恐患誤外用謂為敵國用也

驕榮榮惑也下榮其意同

讀韓非子上終

